



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Justice and Administration

**Broj: 03-05-04-3502/22**  
**Sarajevo, 25.03.2022.godine**

**KANTON SARAJEVO**  
**SKUPŠTINA KANTONA SARAJEVO**  
**n/r Predsjedavajućeg Skupštine Kantona Sarajevo**  
**g.din Elvedin Okerić**

**Predmet: Odgovor na zastupničko pitanje zastupnice u Skupštini Kantona Sarajevo**  
**Neire Dizdarević, dostavlja se –**

**VEZA: Vaš akt, broj: 01-04-5587-8/22 od 24.02.2022 godine**

Na nastavku 48. Radne sjednice Skupštine Kantona Sarajevo, održane 22.02.2022. godine, u okviru tačke dnevnog reda "Poslanička/zastupnička pitanja, inicijative i odgovori", zastupnica u Skupštini Kantona Sarajevo Neire Dizdarević, uputila je zastupničku inicijativu, koja glasi:

*"Na osnovu molbe etažnih vlasnika naselja Bulevar-Stup ljubazno molim da izvršite nadzor u okviru svoje nadležnosti nad postupanjem inspeksijskih organa i službi Općine Ilidža i njenih službenika i namještenika po pitanju poduzetih koraka na uklanjanju reklama sa fasada zgrada u naselju Bulevar.*

*Služba za inspeksijski nadzor Općine Ilidža izvršila je inspeksijski nadzor nad postavljanjem reklama i utvrdila kako to stoji u aktu broj 15-19-2149/20 od 07.09.2020. da investitor Bulevar d.o.o. ima odobrenje za postavljanje istih izdato od strane Službe za prostorno uređenje Općine Ilidža što pobija akt broj 03-interno/21 od 15.11.2021. a sve vezano za akt broj 13-04-5153-2/20 od 15.11.2021. u kojem stoji da Služba za prostorno uređenje nije izdala urbanističku saglasnost za postavljanje reklama u naselju, što inspektor u svome nadzoru u 2020. godine propustio utvrditi tokom inspeksijskog nadzora.*

*U narednom inspeksijskom nadzoru inspektori Faruk Pijalović i Amir Arnautović u nadzoru od 20.12.2021. godine akt broj 11-19-SL/21 opet utvrđuju gore pomenutu činjenicu u vezi odobrenja za postavljanje izdato od strane Službe za prostorno uređenje Općine Ilidža zanemarujući opet akt broj 03-interno/21 od 15.11.2021. kao i utvrđivanje ispunjenosti uslova koje propisuje Odluka o postavljanju firmi i reklama na fasadama i uređenju fasada na području Općine Ilidža (Službene novine KS 21/06).*

*Prema informacijama od strane etažnih vlasnika inspektor je naložio otklanjanje nedostataka zbog buke i vlage koje izazivaju reklame u zadnjem inspeksijskom nadzoru, ali sve gore pomenute činjenice je propustio provjeriti i postupiti po zakonskom okviru.*

*Etažni vlasnici i dalje imaju probleme sa bukom i vlagom i dalje se pitaju ko je dozvolio postavljanje reklama bez urbanističke saglasnosti i ispunjenih uvjeta iz Odluke o postavljanju firmi i reklama na fasadama i uređenju fasada na području Općine Ilidža (Službene novine KS 21/06)".*



## ODGOVOR

Ministarstvu pravde i uprave Kantona Sarajevo – Upravnom inspektoratu, dana 07.03.2022. godine, dostavljena je inicijativa - prijava za pokretanje inspeksijskog nadzor u Službi za inspeksijski nadzor Općine Ilidža, na okolnosti šutnje uprave u predmetu broj: 15-19-2149/20 od 26.05.2020 godine, zbog nepostupanja Službe po zahtjevu stanara zgrade u novom naselju „Bulevar“ Lamela A1; A2; A3, ulica Džemala Bijedića bb Ilidža, na okolnost postavljanja reklama na zidu zgrade u novom naselju „Bulevar“ Lamela A1; A2; A3 Ilidža.

U prijavi je navedeno, da stanari navedene zgrade prilikom potpisivanja ugovora o kupoprodaji stanova sa prodavcem Bulevar d.o.o. Kiseljak, od strane prodavca su upozoreni da će se na stambeno-poslovnim objektu Lamela A, u kojoj se nalaze predmetne nekretnine, biti uknjiženo trajno pravo služnosti u korist „B-TIM“ d.o.o. Kiseljak, radi postavljanja reklama, a koje kako je navedeno u prijavi, nije uspostavljeno, niti će se uspostaviti na etažne jedinice. U prijavi je dalje navedeno da se traži preispitivanje uknjižbe služnosti i da li pomenuta firma vrši usluge postavke reklama prema uknjižbi koja joj je dodjeljena i da li prema tehničkoj ispravnosti postavlja određene reklame na zgradi prema važećim zakonskim aktima. Dalje je u prijavi navedeno, da prilikom blagog vjetra osjeti se lupanje reklame – konstrukcije na kojoj su postavljene reklame, da su stanari zgrade mišljenja, da je prevelika površina reklama postavljena, da okviri na kojim su postavljene reklame nisu dovoljno učvršćeni i da su ugroženi – nesigurni prilikom prolaska i boravka u stanu.

U skladu sa odredbama člana 121. stav 3. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine”, broj 35/05) ovim putem se obavještavate, da je Upravni inspektor povodom dostavljene inicijative, pokrenuo postupak inspeksijskog nadzora po službenoj dužnosti i dana 21.03.2021. godine izvršio inspeksijski nadzor u Službi za inspeksijski nadzor Općine Ilidža, u predmetu broj: 15-19-2149/20.

U postupku inspeksijskog nadzora je konstatovano:

- da je Kantonalna uprava za inspeksijske poslove Kantona Sarajevo uz akt broj: UP-I-14-06-19.5-11920/20 od 20.05.2020. godine dostavila prijavu stanara zgrade u novom naselju „Bulevar“ Lamela A1; A2; A3, ulica Džemala Bijedića bb Ilidža;

- da je postupajući urbanističko-građevinski inspektor Službe za inspeksijski nadzor Općine Ilidža izvršio inspeksijski nadzor na naprijed navedene okolnosti, te je o utvrđenom činjeničnom stanju, aktom broj: 15-19-2149/20 od 31.08.2020. godine, obavjestio Kantonalnu upravu za inspeksijske poslove Kantona Sarajevo;

- da je po izjavi predstavnika subjekta nadzora inspektora Pijalović Faruka i Arnautović Amira pristiglo više predstavljanja od stanara u ulici Džemala Bijedića, naselje „Bulevar“ Lamela A1; A2; A3; A4; A5; A6; B1; B2, B3; Ilidža, na okolnost postavljanja reklama na fasadama zgrada;

- da je postupljeno po navedenim predstavkama, izvršen inspeksijski nadzor, te je sačinjen zapisnik o izvršenom inspeksijskom nadzoru po službenoj dužnosti, broj: 11-19-SL/21 od 20.12.2021. godine, da su nađeni određeni nedostaci na fasadama objekata A1-A3; A4-A6 i B1-B3, te je naloženo investitoru Bulevar d.o.o. Kiseljak, da poduzme mjere na otklanjanju nedostataka na fasadi objekata A1-A3; A4-A6 i B1-B3, u smislu spriječavanja prodora vlage, sniženja nivoa buke, te izvrši popravke u stanovima etažnih vlasnika gdje su konstatovana oštećenja i da po otklonjenim nedostacima obavjesti Službu za inspeksijski nadzor Općine Ilidža.

U vezi navoda iz prijave da Služba za prostorno uređenje Općine Ilidža nije izdala urbanističku saglasnost za postavljanje reklama na fasadama navedenih objekata, a u vezi navoda iz akta navedene Službe, broj: 13-04-5135/2/20 od 15.11.2021. godine, subjekt nadzora, postupajući inspektori izjavljaju, da je investitor Bulevar d.o.o. Kiseljak u postupku podnošenja zahtjeva



izdavanje urbanističkih saglasnosti, odobrenja za građenje, kroz projektnu dokumentaciju za svaki objekat – lamelu u naselju „Bulevar“, pojedinačno je dobio odobrenje za postavljanje reklama na fasadama stambeno-poslovnih objekata A1-A3; A4-A6 i B1-B3, te je uknjiženo trajno pravo služnosti, koje se sastoji u pravu postavljanja fasadne reklame, sa dimenzijama reklama na navedenim objektima, te kao dokaz prezentirao zemljišnoknjižne izvadke za navedene poslovno-stambene objekte.

Dalje je konstatovano, da su postupajući inspektori Službe za inspeksijski nadzor Općine Ilidža, Pijalović Faruk i Arnautović Amir izvršili kontrolni inspeksijski nadzor 16.03.2022. godine na okolnosti otklanjanja nedostataka utvrđenih zapisnikom o izvršenom inspeksijskom nadzoru po službenoj dužnosti, broj: 11-19-SL/21 od 20.12.2021. godine, gdje su nađeni određeni nedostaci na fasadama objekata A1-A3; A4-A6 i B1-B3 i istim naloženo investitoru Bulevar d.o.o. Kiseljak da otkloni nedostatke. O utvrđenom činjeničnom stanju sastavili su zapisnik o inspeksijskom nadzoru broj: 11-19-SL/22, a zatim i Službenu zabilješku o inspeksijskom kontrolnom inspeksijskom nadzoru, broj: 11-19-1848/22 od 18.03.2022. godine, u kojoj su konstatovane činjenice u vezi poduzeti radnji u postupku inspeksijskog nadzora, te je konstatovano da su od strane investitora Bulevar d.o.o. Kiseljak otklonjeni nedostaci utvrđeni zapisnikom o izvršenom inspeksijskom nadzoru po službenoj dužnosti, od strane Službe za inspeksijski nadzor Općine Ilidža, broj: 11-19-SL/21 od 20.12.2021. godine.

U postupku inspeksijskog nadzora dalje je konstatovano da je Služba za inspeksijski nadzor Općine Ilidža podnosiocima prijave, Hadžić Jasnu i druge obavjestila o izvršenom inspeksijskom nadzoru.

U vezi navoda iz prijave da se traži preispitivanje uknjižbe trajnog prava služnosti za postavljanje reklama na fasadama stambeno-poslovnih objekata A1-A3; A4-A6 i B1-B3, u skladu sa odredbama člana 144. Zakona o organizaciji organa uprave u Federaciji Bosne i Hercegovine (“Službene novine Federacije Bosne i Hercegovine”, broj 35/05), kojim su propisne nadležnosti Upravnog inspektorata, Inspektorat nema ovlaštenja da vrši navedeno preispitivanje uknjižbe prava služnosti.

Također, u vezi stručnog postupanja inspektora Službe za inspeksijski nadzor Općine Ilidža, ističe se, da je odredbama člana 147. stav (1) tačka f) Zakonom o prostornom uređenju Kantona Sarajevo (“Službene novine Kantona Sarajevo”, br. 24/17 i 1/18) propisano, da stručni nadzor nad radom općinskih i gradskih urbanističko-građevinskih inspektora u provođenju propisa iz oblasti prostornog uređenja vrši kantonalni urbanističko-građevinski inspektor Kantonalne uprave za inspeksijske poslove Kantona Sarajevo.

U prilogu se dostavlja kopija akta Službe za inspeksijski nadzor Općine Ilidža, broj: 15-19-2149/20 od 31.08.2020. godine, dostavljen Kantonalnoj upravi za inspeksijske poslove Kantona Sarajevo, kopija zapisnika broj: 11-19-SL/21 od 20.12.2021. godine i kopija službene zabilješke broj: 11-19-1848/22 od 18.03.2022. godine.

S poštovanjem,  
Prilog, kao u tekstu

Dostaviti:

1. naslovu;
2. Neiri Dizdarević  
zastupnica u Skupštini Kantona Sarajevo;
3. Stručna služba Vlade Kantona Sarajevo;
4. a/a.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-083, Fax: + 387 (0) 33 562-241  
Web: <http://mpu.ks.gov.ba>, E-mail: [mpu@mpu.ks.gov.ba](mailto:mpu@mpu.ks.gov.ba)

3/3



2063

Broj: 15-19- 2149 /20  
Ilidža, 31.08.2020.god.

Vaš broj : UP-1-14-06-19.5-11920 /20 od 20.05.2020.g.

**Kantonalna uprava za inspeksijske poslove**

Ul. Aleja Bosne Srebrene bb  
71000 SARAJEVO

- 7 - 09 - 2020

**PREDMET :** Obavijest o izvršenom inspeksijskom nadzoru po zahtjevu Hadžić Jasne

Ovim putem Vas obavještavamo, da je ovaj inspektor, u predmetu prijave Hadžić Jasne za kontrolu odobrenja postavljanja reklama na fasadama objekata investitora "Bulevar" d.o.o. Kiseljak, Lamela A1, A2 i A3 u ul. Džemala Bijedića, izvršio inspeksijski nadzor i konstatovao sljedeće :

1. Investitor „Bulevar“ d.o.o. Kiseljak je dobio odobrenja za građenje lamela A1, A2 i A3 brojevi rješenja: 03-23-5789/19 ; 03-23-5790/19 i 03-23-5791/19 , sve od 06.11.2019. godine, i u istim rješenjima, na fasadama lamela A1 i A3, naznačena su mjesta postavljanja reklama, i ovjereni su listovi fasada sa reklamama, kao dio izvedbenog projekta i time ujedno je dato odobrenje za postavljanje istih, od nadležne Službe za prostorno uređenje općine Ilidža.
2. Uvidom u z.k. izvadak za lamelu A1 , z.k. uložak broj: 21330 za nekretninu na parceli označ. kao k.č. 2249/11 SP Gornji Butmir gdje je upisan u oznaci nekretnina: stambeno-poslovni objekat sa dvorištem, i u C listu uknjiženo trajno pravo služnosti Vlasnika poslužnog dobra „Bulevar“ d.o.o. Kiseljak u korist služnosti „B-TIM“ d.o.o. Kiseljak sa spiskom reklama , veličinom i opisom od a) do h).
3. Uvidom u z.k. izvadak za lamelu A3 , z.k. uložak broj: 21331 za nekretninu na parceli označ. kao k.č. 2249/9 SP Gornji Butmir gdje je upisan u oznaci nekretnina: stambeno-poslovni objekat sa dvorištem, i u C listu uknjiženo trajno pravo služnosti Vlasnika poslužnog dobra „Bulevar“ d.o.o. Kiseljak u korist služnosti „B-TIM“ d.o.o. Kiseljak sa spiskom reklama , veličinom i opisom za osam reklamnih mjesta.

Dakle, investitor objekata i vlasnik poslužnog dobra, firma „Bulevar“ d.o.o. Kiseljak posjeduje odobrenja za građenje – postavljanje reklama na fasadi objekata A1 i A3 na Stupu u ul. Džemala Bijedića.

Za stvaranje buke od fasadnih reklama i drugi uticaji koji smetaju stanarima, ova Služba nije nadležna.

S poštovanjem!

DOSTAVLJENO:

1. Naslovu
2. Hadžić Jasna ,  
Ul. Dr Silve Rizvanbegović 20 B 7/11, Ilidža
3. U predmet
4. a/a

URBANISTIČKO GRAĐEVINSKI

Amir Arnautović, dipl.ing.arh.







Broj: 11-19- SL /21  
Ilidža, 20.12.2021. god.

**ZAPISNIK**  
**O IZVRŠENOM INSPEKCIJSKOM NADZORU**  
**PO SLUŽBENOJ DUŽNOSTI**

Sastavljen dana 20.12.2021.godine u prostorijama Službe za inspekcijski nadzor, u Ilidži, ul. Butmirska cesta br. 12, povodom **izvršenog inspekcijskog nadzora po prijavama etažnih vlasnika za posljedice nakon postavljanja svjetlećih panoa - reklame na fasadama zgrada u ulici Džemala Bijedića, Ilidža.**

Kontrolu izvršilo : Amir Arnautović, urbanističko-građevinski inspektor.  
Faruk Pijalović, urbanističko-građevinski inspektor.

Kontroli prisutan: Eldin (Avdo) Smajić (LK: 30LCH2578 MUP KS Ilidža, MB: 1502987174136, sa adresom prebivališta u ulici ul Latička bb , tel: 063/ 280-929).

Inspekcijski nadzor je izvršen na osnovu prijave etažnih vlasnika o oštećenjima – pukotinama, pojavi vlage od kondenza i prisustvu buke u prostorijama gdje se nalaze reklamni panoi na fasadama.

Vršenje kontrole započeto u 13:30 sati.

**Predmet inspekcijskog nadzora**

U prostorije ove službe se odazvao predstavnik investitora radova "Bulevar" d.o.o. Kiseljak u predmetu inspekcijskog nadzora – kontrola postavljenih svjetlećih reklamnih bilborda na fasadama stambeno-poslovnih zgrada kompleksa Bulevar, po prijavi etažnih vlasnika kompleksa.

Izlaskom na lice mjesta konstatovano je da je firma "Bulevar" d.o.o. Kiseljak izvršila postavljanje svjetlećih reklama različitih dimenzija, na fasadama zgrada lamela A1-A3, A4-A6 i B1-B3.

Uvidom u ovjerenu projektну dokumentaciju konstatovano je da su u arhitektonskom dijelu projekta na fasadama stambeno-poslovnih objekata kompleksa "Bulevar" naznačena mjesta za postavljanje reklama.

Na osnovu uvida u Zemljišnoknjižne uloške, pojedinačno za svaku lamelu, (A1-A3, A4-A6, B1-B3) konstatovano je da je uknjiženo pravo suvlasništva na posebnom dijelovima stambeno-poslovne zgrade (pojedinačno za sve lamele), koji predstavljaju neodvojivo povezano suvlasništvo na zajedničkim dijelovima i uređajima stambeno – poslovne zgrade.

Stambeno-poslovni objekti lamela A1, A2, A3, posjeduju pravosnažne upotrebne dozvole od 26.02.2020. god.

Stambeno-poslovni objekti lamela A4, A5, A6, posjeduju pravosnažne upotrebne dozvole od 06.04.2020. god.

Stambeno-poslovni objekti lamela B1, B2, B3 posjeduju pravosnažne upotrebne dozvole od 27.08.2020. god.

Budući da etažni vlasnici, tokom korištenja stanova, se žale, da se na zidovima na mjestima reklama - bilborda na fasadi , pojavile pukotine, vlaga na zidovima, i pojačana buka pri jakim udarima vjetrova, pokrenute su aktivnosti Službe za inspekcijski nadzor općine Ilidža.

G-din Eldin Smajić dostavio slijedeću dokumentaciju na uvid :

1. Dati na pregled ovjereni Glavni projekti faza arhitektura za objekte A1, A3, A4 i A6 gdje su označena mjesta za reklame na fasadi.
2. ZK izvatci za lamelu A1 z.k.uložak 21330 ; za lamelu A3 z.k.uložak 21331 ; za lamelu A4 z.k.uložak 22091 ; za lamelu A6 z.k.uložak 22482 ; za lamelu B1 z.k.uložak 22760 ; za lamelu B2 z.k.uložak 22761 ; za lamelu B3 z.k. uložak 22759 , u kojim se u B listu navodi uknjiženo je trajno pravo služnosti sa definicijom vrste reklame i dimenzijama istih.
3. Predugovor o kupoprodaji nekretnine, gdje se u članu 7. navodi da je Kupac saglasan dati Prodavcu sve neophodne saglasnosti i izjave u vezi uspostavljanja trajnog prava korištenja fasade bez naknade u korist Prodavca na stambeno-poslovnom objektu u kome se nalazi predmetna nekretnina.
4. Notarski ugovor gdje je navedeno da Prodavac izjavljuje i upoznaje Kupca da je u zemljišnim knjigama na stambeno-poslovnim objektima, u kojem se nalaze predmetne nekretnine uknjiženo trajno pravo služnosti u korist „B-TIM“ d.o.o. Kiseljak radi postavljanja reklama.

G-din Eldin Smajić izjavljuje slijedeće :

Kad su u pitanju reklamni panoi na fasadama zgrada naselja BULEVAR, u više navrata vršeni su inspekcijski nadzori, kao i ranije ovom prilikom izjavljujemo da su postavljene reklame prošle sve neophodne procedure i upravne postupke prije njihovog postavljanja. Od Glavnog projekta za svaku lamelu ponaosob gdje su ucrtane u glavnom ovjerenom projektu, do upisa u z.k. izvatke, prošli smo sve korake. S druge strane prije godinu dana smo imali prijave naših stanara kad je u pitanju buka, te smo reagovali i otklonili nedostatke. Kada su se u Sarajevu desile nove vremenske nepogode, poput olujnih vjetrova početkom novembra, firma BULEVAR je imala nove prijave od etažnih vlasnika po pitanju pojačane buke, te smo odlučili da na nivou naselja izvršimo zamjenu materijala za sve reklamne površine. Trenutno se na terenu izvode radovi na otklanjanju nedostataka, da će isti biti završeni u roku od deset dana. Stanari su pozvani da putem predstavnika etažnih vlasnika, prijave nedostatke investitoru „BULEVAR“ d.o.o. kako su to imali mogućnost i ranije.

Na osnovu gore zaključenog NALAŽE SE investitoru „BULEVAR“ d.o.o. Kiseljak da poduzme mjere NA OTKLANJANJU NEDOSTATAKA na fasadama objekata A1-A3 ; A4-A6 i B1-B3, u smislu sprečavanja prodora vlage, sniženja nivoa buke, te izvrši popravke u stanovima etažnih vlasnika gdje su konstatovana oštećenja. Investitor je obavezan po otklanjanju nedostataka obavijesti ovu Službu.

**Zapisnik je pročitan prisutnoj stranci, te na predmetni zapisnik nema primjedbi.**

Kontrola je završena u 14:15 sati

Jedan primjerak biće uručen stranci:

Prisutan i saglasan:

Eldin Smajić

URBANISTIČKO-GRAĐEVINSKI  
INSPEKTORI :

Faruk Pijalović, dipl.inž./grad.

Amir Arnautović. dipl.ing.arh.



Broj: 11-19-1848/22  
Ilidža, 18.03.2022. godine

## SLUŽBENA ZABILJEŠKA O INSPEKCIJSKOM NADZORU

**PREDMET: Izvršeni kontrolni inspeksijski nadzor na otklanjanju nedostataka na fasadama i stanovima zbog postavljanja reklama na fasadama zgrada "Bulevar".**

Služba za inspeksijski nadzor Općine Ilidža je izvršila inspeksijski nadzor nad postavljenim reklamama na fasadama objekata "Bulevar", a vezi problema sa pojavom prodora vlage i pojavnom buke u stanovima navednih stambeno-poslovnih objekata.

Sastavljenim zapisnikom broj: 11-19-SL/21 dana 20.12.2021. godine sa predstavnikom investitora radova "Bulevar" d.o.o. Kiseljak konstatovano je da je firma "Bulevar" izvršila postavljanje svjetlećih reklama različitih dimenzija, na fasadama zgrada A1-A3, A4-A6, B1-B3.

Uvidom u dokumentaciju i ZK uloške konstatovano je:

Stambeno-poslovni objekti lamela A1, A2, A3, posjeduju pravosnažne upotrebne dozvole od 26.02.2020. god.

Stambeno-poslovni objekti lamela A4, A5, A6, posjeduju pravosnažne upotrebne dozvole od 06.04.2020. god.

Stambeno-poslovni objekti lamela B1, B2, B3 posjeduju pravosnažne upotrebne dozvole od 27.08.2020. god.

Iz ZK uložaka za gore navedenih lamela u B listu navodi se uknjiženo trajno pravo služnosti sa definicijom vrste reklame i dimenzija istih.

U članu 7. predugovora o kupovini nekretnine navodi da je kupac nekretnine saglasan dati prodavcu sve neophodne saglasnosti i izjave u vezi uspoštavljanja trajnog prava korištenja fasade bez naknade u korist prodavca na stambeno-poslovnim objektu.

Zapisnikom je konstatovano gore navedeno i naloženo je investitoru "Bulevar" d.o.o. Kiseljak da poduzme mjere na otklanjanju nepravilnosti na fasadama objekata A1-A3, A4-A6, B1-B3, u smislu sprečavanja prodora vlage i sniženje nivoa buke.

Ponovnim inspeksijskim nadzorom i sastavljenim zapisnikom broj: 11-19-SL/22 dana 16.03.2021. godine sa predstavnikom investitora radova "Bulevar" d.o.o. Kiseljak konstatovano je sljedeće:

Otklonjene su nepravilnosti u okviru čega je izvršena kompletna zamjena materijala. Radovi su obuhvatili skidanje postojeće rasvjete, dodavanje nosača okrića reklama, izmjena termoizolacionih ploča na tim mjestima fasada. Izvršenim radovima su poboljšana termoizolaciona svojstva fasadnih zidova, te je riješen problem sa prodorom vlage i buke u stanovima.

Po navedenim problemima Služba za inspekcijski nadzor Općine Ilidža je obavijestila sljedeće podnositioce:

- Institucija ombudsmena za ljudska prava broj: 11-19-1-5538/21
- Jasna Hadžić broj: 15-19-2149/20
- Selman Lejla broj: 11-19-5538/21
- Zehra Delić broj: 11-19-6727/21
- Ramiza Fajić broj: 11-19-6725/21
- Adnan Ališah broj: 11-19-6682/21
- Jasminko Vidaković broj: 11-19-6727/21

URBANISTIČKO GRAĐEVINSKI  
INSPEKTORI

  
Faruk Pijalović, dipl.inž.građ.

Amir Arnautović. dipl.inž.arh.